



BOSNA I HERCEGOVI NA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA TEŠANJ
OPĆINSKO VIJEĆE

Tel: 032 650 022
032 650 341
Fax: 032 650 416

www.opcina-tesanj.ba
E-mail: optesanj@bih.net.ba
esmir.subasic@opcina-tesanj.ba



Trg Alije Izetbegovića 11,
74260 Tešanj

Broj:01-
Datum:

PRIJEDLOG

Na osnovu člana 1. Zakona o koncesijama ("Službene novine FBiH", broj:40/02, 61/06), članova 8. i 56. Zakona o principima lokalne samouprave ("Službene novine FBiH", broj:49/06) i člana 14. Statuta Općine Tešanj («Službeni glasnik Općine Tešanj», broj: 11/07), Općinsko vijeće Tešanj na svojoj_____ sjednici održanoj _____ 2012.godine, d o n o s i

ODLUKU

o odbijanju zahtjeva za davanje saglasnosti

Član 1.

ODBIJA se zahtjev Ministarstva za privredu Zeničko-dobojskog kantona za davanje saglasnosti na mogućnost dodjele koncesije na istraživanje i eksploataciju mineralnog resursa - dijabaza na lokalitetu „Krtović“ općina Tešanj, u površini od 60.250 m², na parcelama označenim kao k.p. broj:1082 zvana „Krtović“, Kalošević - majdan upisana u PL broj 118 K.O. Kalošević kao posjed JP „Šumarstvo“ Tešanj sa dijelom 1/1 i k.p. broj:1085 zvana „Krtović“, Kalošević-šuma 3. klase upisana u PL broj 118 K.O. Kalošević kao posjed JP „Šumarstvo“ Tešanj sa dijelom 1/1.

Član 2.

Ova odluka stupa na snagu narednog dana od dana objavljivanja u "Službenom glasniku Općine Tešanj".

PREDSJEDAVAJUĆI VIJEĆA

Esmir Subašić

O b r a z l o ž e n j e

PRAVNI OSNOV

Pravni osnov za donošenje Odluke o davanju saglasnosti na dodjelu koncesije za istraživanje i eksploataciju mineralnog resursa dijabaza na lokalitetu „Krtović“ općina Tešanj, sadržan je u članu 1. Zakona o koncesijama ("Službene novine FBiH", broj: 40/02, 61/06) i članovima 8. i 56. Zakona o principima lokalne samouprave ("Službene novine FBiH", broj:49/06).

Obrazloženje

U realizaciji procedure dodjele koncesije, Kantonalno ministarstvo za privredu, u skladu s odredbama Zakona o koncesijama i Zakona o principima lokalne samouprave, na osnovu kojih Općinsko vijeće Tešanj ima nadležnost da vrši politiku upravljanja prirodnim resursima i raspodjelom sredstava ostvarenih na osnovu njihovog korišćenja na teritoriju koji je definisan općinskim granicama, zatražilo je svojim aktom broj:04-18-4346-1/11 od 12.09.2011. godine saglasnost za dodjelu koncesije na istraživanje i eksploataciju mineralnog resursa dijabaza na lokalitetu „Krtović“ općina Tešanj, u površini od 60.250 m², na parcelama označenim kao k.p. broj:1082 zvana „Krtović“, Kalošević - majdan upisana u PL broj 118 K.O. Kalošević kao posjed JP „Šumarstvo“ Tešanj sa dijelom 1/1 i k.p. broj:1085 zvana „Krtović“, Kalošević-šuma 3. klase upisana u PL broj 118 K.O. Kalošević kao posjed JP „Šumarstvo“ Tešanj sa dijelom 1/1.

Uz zahtjev za davanje saglasnosti na dodjelu koncesije, dostavljena je:

- Studija o ekonomskoj opravdanosti dodjele koncesije na istraživanju i eksploataciju mineralnog resursa-dijabaza na lokalitetu Krtović-Kalošević u općini Tešanj.

Svojim aktom Ministarstvo za privredu posebno je insistiralo na tome da suglasnost treba da odgovori na pitanja vezana za stanje i status zemljišta (istražno-eksploatacionog polja) sa stanovišta:

- zemljišnih knjiga i katastra sa vlasničkom strukturom,
- Prostornog plana Općine,
- sa aspekta zaštite historijskog i kulturnog nasljeđa,
- sa aspekta sanitarne zaštite izvorišta voda koje se koriste ili su planirane da se koriste za piće ili izgradnje vodovodnih objekata.

Imajući u vidu izloženo Služba za finansije, privredu i inspekcije obezbijedila je od nadležnih općinskih službi potrebne podatke te na osnovu toga i dostavljene Studije pripremila Prijedlog odluke o davanju saglasnosti.

Nakon uručenja usvojene Odluke MZ Kalošević uputila je primjedbe na Odluku o davanju saglasnosti u kojoj između ostalog ističe i činjenicu da u postupku donošenja odluke nisu uključeni u postupak.

Služba za finansije, privredu i inspekcije je pripremajući podatke za odgovor Mjesnoj zajednici Kalošević, ostvarila i kontakt sa Kantonalnim Ministarstvom za privredu i ustanovila da je Ministarstvo nema namjeru nakon donošenja odluke o davanju saglasnosti provoditi javnu raspravu koja bi uključila mještane Kaloševića u postupak davanja saglasnosti, pa je Općinsko vijeće Tešanj na svojoj 35 sjednici usvojilo Odluku o stavljanju van snage Odluke o davanju saglasnosti na dodjelu koncesije na istraživanje i eksploataciju mineralnog resursa dijabaza na lokalitetu „Krtović“ do donošenja nove.

Shodno tome Služba za finansije, privredu i inspekcije Općine Tešanj dana 30.01.2012. godine organizirala je raspravu o mogućnosti dodjele koncesije na istraživanje i eksploataciju mineralnog resursa dijabaza na lokalitetu „Krtović“. Na raspravu su se odazvali:Predsjednik Savjeta MZ Kalošević Fahrudin Bobarić, Sekretar Udruženja ribolovaca „Blinker“ Emir Unkić i predstavnik privrednog društva „Inžinjering“ Jelah, Naida Mulalić koja nije uzimala riječ u raspravi.

Predsjednik Savjeta MZ i Sekretar udruženja „Blinker“ svoj negativan stav spram davanja saglasnosti na dodjelu koncesije obrazložili su činjenicom da zastupaju najveći broj mještana ove sredine. Smatraju da su dosadašnja iskustva koja su imali sa eksploatacijom krečnjaka na području ove mjesne vrlo negativna po svakom pitanju. Svoj negativan stav obrazlažu slijedećim:

- putne komunikacije se oštećuju zbog prekomjernih tereta do te mjere da ih nikakva sanacija ne dovede u prvobitno stanje,
- most na rijeci Usori koji je već oštećen, samo je saniran od oštećenja tako da prijevoz većih količina tereta sigurno može dovesti do novog oštećenja,
- lokalitet predviđen za eksploatacije okružen je obradivim zemljištem, što će zbog ogromne prašine koja nastaje prilikom drobljenja kamena nanositi štetu poljoprivrednim usjevima a time stanovništvu,
- na predmetnom lokalitetu su tri izvorišta vode za koje smatraju da mogu biti korisni za buduće vodosnadbijevanje stanovništva: Ostredački potok, Lužani i Prolom,
- u neposrednoj blizini je „Kamen“-stanište i mrijestilište mreine i klana,
- kamenolom bi bio uz samu rijeku Usoru, pa bi prašina od drobljenja i ispiranja kamena završavala u rijeci Usori,
- prije nekoliko godina usljed odrona ogromne količine mulja su dovele do pomora ribe,
- Djedovački potok koji je pritoka Usore je jedno od značajnijih mrijestilišta i u Studiji o ekonomskoj opravdanosti konstatuju da neće biti „bitnije ugrožen“,
- vrlo loše iskustvu sa dosadašnjim koncesionarima, koji nikada nisu imali razmjavanja za primjedbe mještana.

Imajući u vidu izloženo a uvažavajući odredbe Zakona o lokalnoj samoupravi, koji kaže „imovinom u vlasništvu općine mora se upravljati u skladu sa zakonom i drugim propisima, te u interesu lokalnog stanovništva i s pažnjom dobrog domaćina“, te činjenicu da je MZ Kalošević najavila podnošenje inicijative za izmjenu Prostornog plana Općine Tešanj u dijelu koji se odnosi na utvrđen način korištenja prostora za eksploataciju mineralnih i nemineralnih sirovina-površina posebne namjene, i to da prostor predviđen za eksploataciju i dodjelu koncesije, rezervisan je za eksploataciju mineralnih sirovina i predviđen kao kamenolom, promijeni namjenu, pripremljena je Odluka o odbijanju zahtjeva za davanje saglasnosti za dodjelu koncesije.

O B R A Ā I V A Ā
SluŹba za finansije, privredu i inspekcije

Hamzaliya Hojkurić,dipl.oec.

P R E D L A G A Ā
OPĆINSKI NAČELNIK

Fuad Šišić,dipl.ing.maš.

Broj: 02-18-1-3428-15/11

Dana: 10.02.2012. godine